

Brabantiæ nomen unde sit, variæ offeruntur opiniones. quidam à Brenno Britannorum cuiusdam regis filio qui Belgis imperasse dicitur. Alij à Bratu spatio quodam Bellouacorum oppido cuius Cæsar meminit. Alijs placet dicere Brachbant quasi Brachlandt, quod terram incultam ac sterilem significat, quod verum videri posset, nisi animaduerneretur superiori Brabantiae parti, quæ lætos utcumque agros habet, prius id nominis datum quam inferiori, quam Capestrem etiam nū Brabantiam, vulgò Kempenlandt vocant: qui tractus vsque adeo sterilis est, ut nō exigua cōiecturæ fidē faciat. Alij à Saluio Brabone quodam, C. Cæsaris ex nepte cognato, qui gigantem istum Druonem Antigonum ad Scladi ripam occiderit, quot tamen à sanioribus tāquam fabulosum, ridetur. Sunt qui à Godefrido Barbato Louaniensi comite appellatam regionem velint: coniectura frigida videtur, nisi fortè is vetus iam ac penè obsoletum id nomē reuocarit. Becanus ex vernaculæ linguæ dictione Braef siue Braue, & bant, quo vinculum seu fascia significatur, ac postea quoque signum seu vexillum, compositum esse credit. ita ut Brabandt quasi Brauabanda dicatur. Brabantia etiam Rhetia dicta est: Tongri longè antè Cæsarem è veteri Germania Rhenum transgressi, in Gallia Belgica agros Rheno propinquos occuparunt, eoq; tractu confederunt. vbi hodie eius nominis oppidulum Tongrien veteris populi vestigium superest in Brabantia. Tongri hi fuere antiquissimi Belgarum, & ij qui ex Germanis oriundi, primi sibi Germanorum nomen usurparunt, teste Cor. Tacito. Hæc igitur Germaniæ secundæ pars frequentior facta, ob portuum commoditatem vrbes istas, quas illic nostra ætas maximas videt, modicis vicis ad istam visendam amplitudinem opulentiamque intra quingentorum annorum spacium, paulatim perduxit. Argumento sunt quod mediæ ætatis scriptores Gandauensis pagi & aliorum mentionem faciant quos iam videmus vrbes capacissimas atque ornatissimas esse. quin & hodie viuunt qui terque quaterque ampliatam viderunt Antuerpiam. Circa Louaniam Grudios & Leuacos populos habitasse ferunt. Ducatus priuilegio gaudet Brabantia, ac continet etiamnum in se dominia complura: vtpote S. Imp. Marchionatum Antuerpiensem, & Bergensem, agrum Hornensem & Kesselanum, comitatus Hochstratensem ac Megensem: Dominia Mechliniense, Bredaense ac Rauensteinense, & si quæ præterea. Brabantus hilaris, festiuus, ridiculus, in scenicis comicisque moribus immodicus teste Lemnio. Eius populi hodie humanissimi ac festiuissimi, ut plurimum tam mulieres quam viri mercaturæ vacant, atque ita scientiarum, artium & linguarum studiosi sūt. ut vix videre sit familiam, quæ non duas, tres pluresue diuersas linguas exactè loquatur. Vires nobiliores sunt Bruxella, ducis sedes. Louanium celebre literarum atque artium emporium, à Ioanne Brabantiae duce fundatum, circa annum Christi, 1422. in circuitu habere dicitur intra moenia miliaria Italica quatuor. Antuerpia, ut illud artium, ita hæc mercium variarum famatissimum per orbem omnem emporium, Scaldifluuium, quem Tabudā Ptolō. vocat. ponè positum, qui tāta est profunditatis, ut etiam altissimis ex Oceano ascendentibus nauibus ad urbem vsque ingressus pateat tutissimus: non toti tantum Europæ, sed & Asiæ atque Africæ seruit, rebus cum ad vitæ vsum necessarium, tum etiam splendorem atque ornatum pertinentibus, hinc enim ad omnes orbis partes nauigatio patet. Buscumducis seu Syluaducis, cuius incolæ etsi ciuiles satis ac negotiationi dediti, tamen plus antiquæ fortitudinis retinuisse dicuntur, quam reliqui eorū conterranei, hi sunt qui toties negocium facessabant Iulio Cæsari, priusquam in offi-

cio reti-



cio retineri possent ex hac oriundus Georgius Macropedius linguarum professor in
 signis Mechlinia duplici iam clade nota, quarum alteram anno 1546 die 7. Aug. acce-
 pit. Porta enim (vulgò die Sandtporte) erat quædã, in qua circiter 800. vasa pulueris
 bombardacij reseruabantur, de cælo tacta, oppidum ferè totum, cum frequenti in-
 colarum numero, maximo affecit incommodo. Alteram vix hac minorem ab Hispa-
 nis accepit anno 1572 ex hac oriundus est chalcographus insignis Franciscus Hogen-
 bergius: sicut ex Rupel munda prodijt Gerardus Mercator Geometer huius seculi
 celeberrimus, & chalcographus haud aspernandus. Aere fruuntur saluberrimo. Re-
 gionis territorium ex parte fecundum est, præsertim qua Meridiem prospectat, ac
 versus Namurcensem comitatum: ea enim parte ager fertilissimus est qua verò ad
 Septentrionem spectat, loca sunt, vsque adeo sterilia, vt per aliquot miliaria eà iter fa-
 cientibus, præter mendicantes vix aliud obuium sit, non sufficiente agro cultores su-
 os, quamuis numero paucos, alere. Ferunt tamen, oues Campestris Brabantiz inciba-
 tu reliquis deliciores haberi, ac lanam quoque reliquis ouibus fere molliorem
 subtilioremque eiusdem etiam ligna durissima ac obstissima perhibentur. Vi-
 neta habet regio circa Louanium, quod tamen vinum acerbum & au-
 sterum gustu est. Syluas insigniores quinque; Soniensem, Sa-
 uenerlo/Grotenhout/Grotenheist & Meerdal, Flu-
 uij rigatur plurimis; qui mercibus vn-
 dequaque conuehendis non
 parum commodi sunt.

